

خزانه حكايت

صالی

نومرو	صفر	سنه	اغستوس	سنه	صفحه
۷۲۹	۳	۱۳۱۱	۳	۱۳۰۹	۱۰۷۸۱

(اشبو غزته بهر هفته جمعه ایرتسی کونلری چیقار . سنه لکی درساعات ایچون مجیدیه یکریمی غروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکریمی غروش اولق اوزره یوز پاره یه هر یرده صاتیلور . درج اولنه جق)
 (اعلانک هر برندن برمجیدیه اخذ اولنور . سنه لکنه مشتری اولق استیانلر عدلیه نظارتی)
 (داره سنده کائن جریده محاکم اداره سنه مراجعت ایلمیلدر)

ووصایا اجرا سیله بوبابده دخی تعلیماتی صوکرده دن
 کوندره جکنی سوبلدیکنی واوچ درت آی صکره
 مذکور یافته لر بالورود اوقود قلرنده صوکرده ده
 قورقوب تأخیر نشرینه قرار ویرمشر ایسه ده
 تأکید حای منهدن الدقلری وعادتلری وجهله
 احراق ایتدکلری مکتوبده مذکور یافته لر نشر
 وتعلیق ایدلدیکی حالده اعدام جزاسیله مجازات
 اوله جنی کوسترلدیکندن چاره سنز یافته لر نشر
 وتعلیق ایتدکلری وکندوسنک نام مستعار ی زاره
 اولدینی کی چورم وسنقورلی ارمنی مبعوثلرندن
 برینک اسمی عطار پالانجیان قره بت نام مستعار ی

(انقره ولایتی استیناف محکمه سی جزا)
 (دائره سندن اعطا اولنوب بوکره محکمه تمیز)
 (جانبندن تصدیق قلنان برقطعه اعلام ضبطنامه)
 (سنک بروجه زیر مابعدی)

امروز ایدوکنی و صورت حرکتی به دایره
بر نظامنامه اولوب کبابچیان سینه کریمک نزدنده
محفوظ ایدیهده یاقدقربی و بوهذیاننامه مظلوم
نلردن قزاروس محاقیان واسطه سیله کندوسنه
کلوب لاجل التعلیق کوشکر اوغلی قزاروس
و آتش اوغلی میکه و محاقیان کرکور واسطه سیله
نشر و تعلیق اولدیفنی وسینه کریم ایله میساقک
محو ایتدکاری نظامنامه سکران بندن عبارت
اولوب ارمنیجه یازی وارمنی لسانی ایله لوندرده
باصلمش وزیرنده مهری اولدیفنی و بوقومیتک
اسمی کوچک ارمنستان خنچاقیان اختلال شرکتی
ایدوکنی و مرزیفونده بونام التنده مهر بولندیفنی
ویافته لک نشر نده کی مقصدی بیلمدیکنی سولیمسی
واخیراً مرزیفون جمعیت فسادیه رئیس طومریان
قره بت انشای مذاکراتده ایراد ایلدیکنی بمقاله ده
انکاترده غلادستون و امریقاده جمیس براس
ویونانده اسمنی تخطر ایدمدیکنی بریمنی ارمنیلر
بکک ایستورلر ایسهده بوخالده اوله من انلر
بیوجک برغائله چقارمیلر بعضیلری کسلملی
آصلملی اسلاملر ایله طوتشمیلرکه بزده اولوقت
ایچه کوروب بونلرک مقصدلری حاصل ایتمکه
چالیشلم بوقسه میدانده برشی یوغیکن برشی
اوله من دیمش اولدیفنی نقل و بیان ایتدیکنی

و مؤخرأ یوزغاده عودتنده جمعیتک اتفاق حقنده
مرزیفوندن بر نظامنامه کلش ایسهده بالاخره
سینه کریم ایله کندیسسی احراق ایتدکاری و یوزغاد
جمعیت فسادیه سی افرادینک اسمی دقتلری
کبابچیان سینه کریمک نزدنده بولمقده اولدیفنی
و خنچاقیان غرتیه سی مرزیفوندن بعضاً کندوسنه
و بعضاً سینه کریم و موشیه کلیمده اولدیفنی و بو
غرتیه ارمنی لسانیله لوندرده طبع ایدلمکده
بولندیفنی و ثالثاً دخی بوندن درت آی اول
ارسلانین ابریم کندوسنی یوزغاده ارمنی
کلیماسنده بر اوطیه چاغردوب یوزغاددن
مرزیفونه براد ایسته مشلمبعوثاً سن کیده جکسک
ملت مجلس جسمانیسنده بویه قرار ویرلدی
دیمسی اوزرینه مبعوثاً مرزیفونه کتبدیکنی و حکو
مت علیه قیام ایچون کوندریله جک تعلیماته
اطاعتله اجرا اولمسی بولنده تلقی ایلدیکنی تنبیهاتی
کلوب ابریم اغایه سولیدیکنی و بوهذیاننامه لک
ورودنده ایکی دانه سی ابریم اغایه ارانه و تسلیم
ایدلرک بش کون صکره نشر و تعلیق ایدلملری
ایچون قرار ویردکاری ابریم اغا سولیمسی
اوزرینه توزیع ایتدیردیکنی و مرقوم ابریم کند
یسک مبعوثاً مرزیفونه کیتیمی حقنده یوزغاد
ارمنی ماتی مجلس جسمانیسی مهریله ممهور واشبو

مجلسک کاتبی عوادیس یازوسیه برقرار کوستروب
بوقرارک مفادی ابریم اغانک اخوتمز سلامتی
حقنده ویره جکی تعلیماته اطاعتله بورجلیسکر
مآلندن عبارت اولدیفنی و مذکور مهر مجلس
مزبور رئیس خپار سوم اغا یدنده بولمقده
ایدوکنی و مذکور قراری عادتلی و جهله بعد
القرائه محو واضاعه ایلدکاری و بوهیت فسادیه
حکومت معرفتیه کشف اولدیفنی تقدیرده ملت
طرفندن او هیئتک یرینه دیگر هیئت کچهرک
وظیفه سی ایفایه دوام ایدجکی و مقصد اصلی
اخلال اسایش ایدوکنی ۶ کانون ثانی سنه ۳۰۸
تاریخی خط دستیه محرر ویرمش اولدیفنی
اخبارنامه سنده بیان و اعتراف و دائرة استنطاقده
دخی اشبو افاداتی تصدیق و اقرار ایدلرک حضور
محکمدهده افادات مشروحه سی اساساً تصدیق
و اعتراف ایله قیماً کتم و تأویل ایتک صدنده
بولمش ایسهده مرزیفونه مبعوثاً غرتیه جمعیت
فسادیهده صورت مخصوصده بولمش اولدیفنی
اعتراف صریحی التنده بولندیفنی مثللو بالاده
تفصیلاتی کوستریلان قیصریه ارکان فسادیه سیله
ارضمان اوغلی اوخانک افادات مبسوطه لری
ویوزغادلی قالبی موشونک افاده متقابله سی
مرقومک اعترافات مضبوطه سنک صحتی تأیید

ایلمکده اولمسنه و بر مظلونک مستنطق حضورنده
اولاً انکار و اخیراً صورت متنوعده و عیدیهده
اقرار و بیان جرم ایلمسنک اعترافک عدم
قبولی مستلزم اوله جنی حقنده بر قاعده قانونیه
اولوب بونجه دلائل ایله مؤید بولنان اعترافاتک
قانوناً اسباب حکمدن معدودتی درکار بولندیفنی
مثللو مظلونلردن اکثریسک اولاً انکاره مبادرت
وانکارک حقیقه قارشو فائده بخش اوله میه جفی
ادراک ایتمی اوزرینه اقرار جرم ایتمکه برابر
بر طاقم تنوعات و تغیرات ایله تشویش و ستر
حقیقت صدنده بولملری اکثریتله امشالی
مشهود و قایعدن اولوب بونک بوجه محرر
تظاهر ایدن حقیقی تغییره مدار اوله میه جفی
بدیهی بولمسنه و طومریان قره بتله قیایان اوخانک
افعال مدعا بهانک مرکز انتشاری و معاملات
فسادیه و آمال اختلایه و عصیانیه مشروحه نک
منبعی اولان مرزیفونده فساد قومیتیه سی تأسیس
ایلله شعبات فسادیه منه و واهرام امضای مستعار
لریله کوندریلان تعلیمات و مکاتیب افسادیه نک
مرسللری ایدوکی و کچن بیک اوچبوز سکر
سنه سی ایلونک اون برنجی و اون ایکنجی و اون
اوچنجی کونلرنده شعبات مذکورده دن جلب
ایلدکاری مبعوثان فسادیه نک ریاست و کتابتیه انتخاب

اوله رق آمال فاسده ومقاصد عصیانیه لرینک
توسیع وانتشاری وتسریع اجراسی ضمننده
عقد مذاکرات واتخاذ مقرراته اجتناباً ایلدکری
بالاده ذکر اولدینی وجهله قیصریه لی الاجه
حیان قره بت ودوکه حیان پارسسیخ وحی دلکیان
اغوب وجواهر حیان روین طرفلرندن قیصریه
متصرفلغه اعطا قلنان بیانشامده ومکاتب
مذکورهدن الله ایدلش اولان ایکی قطعه سنک
زربنه یازمش اولدقلى شرحده ودائرة استنطاقده
افاده واعتراف اولسوب کرچه مرقوموندن
قره بت وبارسیخ و اغوب عندالحاکمه مذکور
بیاننامه می تصدیق وامضا ایتلری بخبریه مأمور
اولان پاپاسیان کروه نیک متصرفیت مومی الیهایه
اواصورته اعطا ایتش اولدینی معلوماتک کندی
طرفلرندن دخی تصدیق اولنمسی امر اولنمسندن
ایلر وکلش ایدوکی یولنده کتم وتحویل وروین
دخی مرزیفونده فساد قومیتیه سی رئیسک طومه
یان قره بت وکاتبک قیایان اوخانس اولدینی
اولدنبرو ایشتمش اولنمسندن طولانی مذکور
بیاننامه وشرحی تصدیق وتحریر وامضا ایلمش
ایدوکی بیانیه تأویل ایتک ایشتمش ایلده
مرقومونک ذاتاً اعطا ایلدکاری معلوماتی مشهو
داتلرینه بنا ایتش اولسوب مرزیفون ایله جریان

قومیتیه سنک ال ایلر ویه کلانلرندن اوله رق اتنه ده کی
قومیتیه ایله مرزیفون اراسنده دخی بخبریه جریان
ایتمکده اولدینی تحت اقرار واعترافلرنده اولدینه
نظر امرقومک مرزیفونده موجود ارکان فساد
اتنه ده ایکن اوکره نوب بیله بیله جکی وشهادتنامه سنه
قیصریه جه اعتماد اولنمسی اوزرینه مرزیفونه
مکتوب یازده رق ایلری تأمین قالمشیمی دخی بونی
تأیید ایلده جکی مثللو پاپاسیان کروه نیک مرزیفونه
قیصریه فساد شعبه سی اراسنده کی بخبراته
مأموریتی مرقوم رشتونیک دره ونک مناسرتیه
ورودینه قدر تمتد اولوب اندن صکره جریان ایدن
بخبراته مرقومک واسطه اولدینی مقرر ومعترف
اوله رق شوخالده مرقومک دیکرلرندن وقوف
ومعلوماتجه تقریقته وجه معقول کوریه مامسنه
وپهلو اغوب وواعظ ماردیروسک بالاده محرر
اولدینی وجهله مرقومان طومه یان قره بت وقیه یان
اوخانسک برهان قریه سنده ارمیلرله پروتستانلرک
استقلالیت نقطه سنده توحید وتسلیحی یولنده
تلقینات فسادیه ده بولنش اولدقلى رینه دائر اولان
افاده لرله قیصریه ویوزغاددن مبعوثاً مرزیفونه
کیدوب ذکر اولنان جمعیت فسادیه ده بولنش
اولان ارضمان اوغلی اوخانس وکجه حیان میسافک
کذلک عندالاستنطاق مبعوثاً بولندقلى جمعیت

فسادیه ده طومه یان قره بتک ریاست ایتش اولدینه
دائر واقع اولان افاده لری مرقومونک افادات
مشروحه لرینی مؤبد اولوب مرقوموندن پهلو
اغوبک افادات استنطاقیه سی حقنده کی تعلیاتی
ایسه انفاً ذکر وتفصیل اولدینی اوزره قانوناً
قبوله شایان اولدینی مثللو واعظ ماردیروسک
افاده استنطاقیه سی حضور محکمه ده دخی تأویلاً
تصدیق ایلمش اولسنه وارضان اوغلی اوخانس
ایلکجه حیان میساق دخی عندالحاکمه جمعیت
فسادیه مذکورده ریاست ایدن طومه یان ارتین
ایدوکی بیانیه تحویل لسان ایلمش ایلده
طومه یان اوتینک اشکالی حقنده کرک مرقومانک
وکرک جوانیان ماردیروس ایله اوغلاقیان
خجاطور واوزون اوغلی قالوست ومیدیل اوغلی
سرکر وقره کوز اوغلی آرتین ودلونیان اغوب
و وارطان اوغلی مهرانک بیان و تعریف
ایتدکاری اشکالک بالکلیه تخالفنه نظراً بولنرک
کتم شخص وحقیت ایتک ایتدکاری اکلا
شلمقه اولسنه وارضان اوغلی اوخانس جمعیت
مرقومه کتابته انتخاب اولسان شخصک نام
وهویتی تعیین ایده مکسزین انترانیک نامنده بری
اولدینی بیان ایتدکی حالد کجه حیان میسافک
کتابته انتخاب اولدینی جمعیت مذکورهدنک

قرارنامه سنده مبعوث مرزيفون مبعوثانند
واهرامك كيم اولديغندن بسبتون تجاهل ايلمسنه
ومع هذا ارتين طومهيان حقنده كي باجله اخبارات
مرقومك صورت انفرادده وسيار اوله رق طريق
شقاوتده بولنديغه دائر اولوب مرزيفوندن شعبات
وماحققات فساديه به على الدوام ارسال اولنه كلكده
اولديني تحق ايدن اوراق بخبر ايسه منه وواهرام
نام مستعار ليله ايكي امضاي حاوي اولسي مركز
فساد اولان مذكور مرزيفون قصبه سنده معاملات
فساديه نك تمشيتنه سمي وغيرتله صورت مهاديده
اشغال ايدر ايكي شخصك وجوديني مستلزم اولوب
جمعيت فساديه مذ كورده نك دخي مطالعه اولنان
قرارنامه سي محتوياتيله ثابت اولديني وجهله هر محلدن
برر مبعوث بولنديني حالده مرزيفوندن ايكي مبعوث
بولنه رق بو ايكي مبعوثدن سالف الذكر منه نام
مستعاريني حائر اولاننك رياسته وواهرام اسم
مستعاريله تسميه اولنانك كتابته انتخاب ايدلمش
اولسي دخي اتى وويد بولمسنه وبولردن بشقه
طومهيان ارتينك سرسري طورلي سودجي وقصاب
مقوله سي بر شخص بولنديني طومهيان قره بتك
دخي تحت اقرار واعترافنده اولوب جمعيت
مذ كورده نك اجتماعندن صكره ذكر اولنان
منه وواهرام طرفلردن قيصريه دن مبعوث

نظراً اندون رشتونينك داخل وملاق اولديني
هيئت مذ كوره افرادينك اسم وشخصلريني
طانيامسي غير قابل ايكن در دست ايدلمش اولان
فساد شهادتنامه سنده كي (اگلاريان) امضاي
مستعارينك صاحب حقيقي سي بيان وتعييندن
استنكاف ايتسي ارباب فسادك يكديكريني اله وير -
مامك خصوصنده كي اتفاقلرينك وبناء عليه تاويلات
واقعه نك ماهيتني تعيينه مدار احوالدين اولغله
برابر بومقوله قوميته اوراق سنده خط وامضايه
اعتبار اولنيوب مهر وتمغايه دقت اوله جني حقنده
مرقوم رشتوني طرفندن وقوعبولان افادات دخي
مطالعات مبسوطه يي تأييد وذكر اولنان منه
وواهرام امضاي مکتوبلرك خط وامضالرينك
تطبيق واستكتابه محل اولاديغي تعيين ايتكمده
اولمسنه وبلاذ وقصبات وقرای مذ كورده بولنان
واعظلك اكثريسي واطفال اهاليدن بعضيسي
مرقوم طومهيان قره بتك شاگردانندن اولمق
حسييله اورالرده كي شهرت وكندوسنه اوله جق
حرمت ملايسه سيله طومهيان ارتين وياخود ديكر
بر شخص مجهولك اشبو مقاصد فاسده مدعا بانك
ترويجنه مدار اولمق اوزره كندى نامني تشهير
ايتمش اوله رق بو صورتله مرقومون كرويه
والاجه جيان قره بت ودو كجيان پارسنج وجي -

دلکيان اغوب وجواهر جيان روپن ايله سائرلرينك
ايشتمش اولميرينه كلنجه كچه جيان ميساقل افاده سنده
مرقوم طومهيان قره بت عطفاً بيان اولنديني
اوزره بر محالده طوغريدين طوغرييه وطولايسيله
قطعا مناسب و علاقه سي اولميرق مجرد شهرت
خصوصه سي ايشيديلان وطانيليان برذاتك نامني
بر شخصك مقاصد خصوصه سنده واسطه ترويج
اتخاذ اينه بيلسي فرض اولنسه بيله طومهيان
قره بت وقيايان اوخانس كي شهرتلي شاگردلرينه
منحصر اولان ايكي مكتب معلنك افراد اهالييه
قارشو ناملريني اشاعه دن بر فائده حصولي تصور
اولنه ميه جني مشالو كندى قوللرنجه تلقينات
فساديه به هدف اولمش بلاذ وقصباتك هان كافه -
سنده بولنان واعظلك خوغي كنديلرينك معلم
بولندقلري مرزيفون مکتبندن نشأت ايتمش
واطفال اهاليدن بر خيلو شاگردلري بولمش
وكندولري اشبو مقاصد فساديه به قطعاً ذيمدخل
وخبردار بولنامش اولديني حالده انلرك معللري
نامه بويه مسئوليت عظيمه قانونيه دعوت اياه جك
اشاعاتي هان خواجه لرينه اخبار واستفسار
وبلكيده بوسورتله معللرينك نامني لكه ملك
ايتيان شخصي در دست ايتديره رك حقيقي اظهار
ايتملري طبيعي وقيايانك مجرد مكتب معللكنده

و کلیسا جمعیتند طومه یان قره بتک رفاقتند بولمسی
انکله برابر بویولده تشهیرینه هیچ بروجله سبب
اوله میه جفی بدییی و جلی بولمغه برابر بر منوال
محرر محررات و مکاتب فسادیه مندرجاتی مرکز
فساددن تعلیمات فسادیه اعطا ایدن شخصلرک ایکی
اولدیغنی و لاسیا مرز یفونده عقد اولنان جمعیت
فیساده ده مرز یفوندن ایکی شخص بولندیغنی
ماده مرتبه وضوح و ثبوت ایصال ایتکده اولوب
هر تقدیر جمعیت مذکور هک ارضان اوغلی
اوخانسیک افاده سی وجهله اوچ کون اوچ کیجه
دوامی حالنده مرقومانک کوندوز مکتبه بولملری
حسبیه اوراده بولنه میه جقلری خاطر هسی دخی ینه
مبعوثلردن کیجه جیان میساق طرفندن جمعیت
مذکوره نك انعقادینک علی الدوام اولمادیغنی خبر
ویرمکده اولسی جمعیت مذکوره نك و بتخصیص
جمعیت مذکوره نك الله بولنان قرار نامه سننده
آبرو آبرو اوچ اجتماع و قوع بولدیغنی مصرح بولمسی
دفع و رفع ایله ارضان اوغلی اوخانسیک اشبو
افاده سی تمامیه تکذیب ایتکده اولمسنه و مع هذا
اشبو اشتها و معلومات افراد اهالی اراسنده
اولیوب دائرة مفاسده داخل و مقاصد باطله نك
توسیع و اتشارینه اک زیاده خادم و قومیت هک
افرادندن بیله مکتوم طولمقده اولان معاملات

و کرک حضور محکمه ده و قوع بولان اقرار و اعترافلری
ایله مصدق و الله بولنان اوراق و مکاتب مضره
فسادیه ایله مؤید بولندیغنی حالده مرقومونک مجرد
طومه یان و قیایانه تعلق ایدن جهتلرده تأویلات
و تعلیلاته قالمشملری حقیقتدن انحراف ایلک صدندنه
بولدقلری تأمین ایدن احوالدن اولمسنه و سیواس
ولایتدن معلومات قییلندن اولق اوزره مورود
اوراق خبره ایله کرک ارمی پاپاس و مکتب خواجه
سنک کوندریلان ورقه سی دلیل قانونی تشکیل
ایده میه جقلری امور معلومه دن ایسده شو قدر که
بولرک محتویاتدن متحصل معلومات دخی مرقومان
طومه یان قره بت و قیایان اوخانسیک اشبو فساد
قومیت سنه ریاست و کتابتله اجراءات و معاملات فسادیه
بی ترتیب و امور قایمه فسادیه بی تنظیم ایلش اولدقلری
متداثر بولنان دلائل و امارات مبسوطه بی مؤید بولندیغنی
کبی کندولرینک خیلو زماندنبر و حکومت محلیه نك
تحت نظر تفتیش و تجسسند بولدقلری یولنده کی
اقرار و بیانلری دخی سوء حاللرینه و کندو افاده
و اعترافلرجه حکومتجه کندولرینک اراغقه
باشلانیدیغنی تاریخدن اون بش کون صوکره در دست
و توقیف ایلش اولملریه بر مدت اختفا ایله
فراره موفق اوله میه رق در دست ایلش اولد
قلرینه دلالت ایدمک احوالدن بولمسنه

و مرقومان ذکر اولندیغنی وجهله مرز یفوندن
چورم و یوزغاد و بوغازلیان طریقیله قیصریه ده
عزیمت و قیصریدن کره ک و برهان و شار قشله
و سیواس و توقاد و اماسیه طریقیله مرز یفونده
عودت لری مجرد برهانده اوخان نام کیسه ایله
پنلرند محاسبه لری رؤیت مقصدینه حصر ایتکده
اولدقلری حالده مرقوم اوخانده کی سرمایه لرینک
مقدارینی طومه یان قره بتک عندالاستنطاق یوز
یکرمی لیرا و قیایان اوخانسیک ایسه ایکی یوز لیرا
اولق اوزره متخالفاً بیان ایتملری و حساب مذکورک
قیصریه ده و اعظ کروپی افندی واسطه سیله رؤیت
ایدیلرک یوز لیرایه اوخاندن قیصریه ده بر قطعه
سند الیقین صوکره برهانه محضا اوخانه اولان
و عدلری انجازاً مرقومک دو کونی اجرا ایتک
ایچون کیتدکلری طومه یان قره بت سویلدیکی
حالده قیایان اوخانسیک برهانده برکون حساب
و برکون دو کون و برکون ضیافته اشتغال اولندرق
اوخاندن برهانده یوز یکرمی لیرایه سند التمش
اولدیغنی بیان ایتسی و بالآخره شوتیان و تخالفلر
نک اراسته سیله اولنان استیضاح اوزرینه طومه یان
قره بتک ایضاحات مقصده بی اعطا ایدمه رک و قیایان
دخی برطاقم تأویلاته قالمشله رق اشبو تأویلات
میاننده بیله قیایان اوخانس طومه یان قره بتک

مهر قوم او خانه مشترکاً ویردگری یوز یکرمی لیرا
سرمایه بدن بشقه آبروجه یوز لیرا ویرمش اولدیغنی
بیان ایتدیکی حالده طومه یان قره بتک التمش لیرالق
مانده ویرمش اولدیغنی وجهت تعیین ایتکسزین
مهر قوم او خانه اوچوز بشوز لیرالق حسابی بولندیغنی
سویلسی و حالبوکه علیهارنده کی دعوانک دلائلندن
اولقی اوزره ایراد اولنان اشبوسیاختلری حقیقه
رؤیت حساب مقصدیله واقع اولمش اولسه حساب
و کتابلری نه دن عبارت ایه طرفیجه شک وارتیابدن
عاری اوله رق معلوم اوله جفتدن تأمین وجدان
ایتمک اوزره حقیقی وجهه تفصیل و بیان ایللری
لازمکولور ایکن شو بولده افادات متخالفه و تأویلات
وامتناعات متنوعده بولملری سیاحت مذ کوره نک
صحیحاً و منحصرأ بر حساب کورمک ضمننده اولدیغنی
ارائه ایتکده اولدیغنی کبی وقوع بولان استیضاح
اوزرینه اوغراقلری بلاد وقصباتنه ارمنی
و پروتستان جاعتلریله ملاقات ایلرک بولردن
بعضیلرنده مسافرت ایتلری و مواعظ و نصایح
ایراد ایللری تضاد قیلندن اولدیغنی طومه یان
قره بتک سویلدیکی حالده قیایان او خانسک اشبو
ملاقات و مسافرت خصوصنی اولجه اولده و قصبه
لرده کی احبا و شاگردانلرینک دعوت مخصوصه
لرینه مبتی اولدیغنی سویلدرک نه صورته و نه وقت

وکیلر طرفندن دعوت و وقوع بولمش اولدیغنی تصریح
و بیان استنکاف ایتسی پهلو اغوب و واعظ
ماردیروسک اخبارات مشروحه لری وجهه
اشبو سیاحتی بلاد وقصبات مذ کوره بولنان
ارمنی و پروتستان جاعتلری بیننده کی مسافرتی
استقلالیت نقطه سنده توحید و تألیف ایلده مذکور
جاعتلرک اذهانی تحذیش و اضلال و عصیان و اختلاله
تشویق ایلده جک یولده مقالات و مواعظ ایراد ایتک
مقصدیله اجرا ایتمش اولدقلرینه قناعت حاصل
ایتدیرمکه اولسنه و بالاخره بلاد وقصبات
مذ کوره ده فساد قومیته لری تأسیس و تشکیلی
و شقاوتلر اجرایی و هدیانه لک نشر و تعلیق مثلاً
آثار فسادیه و عصیانیه نک ظهوری برمنوال محرر
مهر قومانک اولجه بلاد وقصبات مذ کوره ده اجرا
ایلش اولدقلری اکلاشیلان تلقیناتک بعض ساده
دلائلک اذهانی تحذیش ایلده آثارینی کوسستمش
اولدیغنه برهان اولسنه و طومه یان قره بتک هدیان
نامه تعلیق و قوعانک مصادف اولدیغنی ایامده
صامسونده کی دکرمن آلاقی ضمننده اماسیه ده بولنان
المانیاقونسلوسی طرفندن صامسونه اجرا ایتدیرمک
ایستدیکی تبلیغاتی مرزیفوندن تلغراف و مکتوب
واسطه سیله دخی ایفا ایتدیرمکه جکی و مقصدی
صحیحاً دکرمن آلاک استجلابی اولسه طوغریجه

صامسونه کیتسی ده مناسب اوله جتی درکار
اولدیغنی حالده برمنوال محرر وقوعات مذ کوره یه
مصادف اولان ایامده اماسیه یه کیتسی و مرقومک
اماسیه ده بولدیغنی لیلله معلومه ده اماسیه ده دخی
هدیانه تعلیق اولشمسینک بولدن بالکلیه تجاهل
ایله یولده عربجه جیدن ایشتمدیم دیمسی اماسیه یه
کیتسینک اشبو هدیانه لری نشر و تعلیق ایتدیرمک
ایچون اولدیغنی اشراپ ایتکده اولسنه و هر نه قدر
زوجه سیله اولان مخبره سنی مرزیفونده انشاسنی
تصور ایلدکلرینی بیان ایتدیکی خسته خانه اعانه سینه
متعلق کوسترمک ایستور ایسده مخبرات مذ کوره یی
حاوی اولان مکتوبده مخبراتک آچیق قارتله
جریانندن احتیاط لزومنی توصیه سته دائر اولان
فقرات ایلده اساساً بو خسته خانه یی اوچ درت بیک
لیرا ایلله وجوده کتورمکی تصور ایتمش اولدقلرینی
کندوسی بیان و اقرار ایتکده و اوچ بیک لیرا قدر
اعانه طوپلاندیغنی زوجه سی طرفندن بیلدیرمکه
اولدیغنی و شو حالده تصور ایتدکلرینی بنا ایچون
اقتضا ایدن اچه تقریباً کاملاً حاصل اولمش
و مکتوب مذ کوره کنندی اقرارلرینک حرکاتندن
خبردار اولدقلری حراجه مرقم بولسنه کوره
اشعارات مجوئه بیلرنده هر نه تصور و تصمیم ایتشلر
ایسه اکا مخصوص وعائد ایدوکی متظاهر بولندیغنی

حاله خسته خانه مسئله سیچون مشاوره ایتدیکی
آدملردن بعضیلری بو مسئله نک میدانده کله میه جکی
و بعضیلرینک دخی تحسین ایلدکلرینی یازمسی میدانه
کله میه جکی بعضیلری طرفندن بیان اولنان و مخبره
واقع نک اساسی اولان مسئله نک خسته خانه
مخصوص بر بنا انشاسی مسئله سندن بسبتون بشقه
برشی اولدیغنه دلالت ایتکده اوله رق خصوصیه
خسته خانه تأسیس و انشاسی کبی بر امر خیرک
عموماً مظهر تحسین و تقدیر اوله جتی امور
بدیهه دن اولوب بولایده کی مطالعاتک اولسه اولسه
اولباده اقتضا ایدن اچه نک حاصل اولوب
اوله میه جفته متعلق اولسی ایجاب ایدرکن
بعضیلرینک بو مسئله نک میدانده کله میه جکی بولنده کی
فقره اشعاریه مذ کوره خسته خانه مصلحتیه قابل
توفیق اولماسنه و مقصد صحیحاً خسته خانه انشاسی
اولدیغنی حالده بولایده کوریشمش و زیاده جبه
اعانه امیدنده بولنش اولدیغنی اوروپاده کی ارمنی
مرخصه سینه و بریله جک تأمیناتک یاییله جق
خسته خانه یه ارمنی خسته کانک دخی قبول اوله
جفته عائد اولسی لازمکولورکن سیاحتک اسکی
کلیسا ایچون اولدیغنی و مقصدینک پروتستان
یاقی ایچون اولوب اصل خرسیتیانق ایچون
بولدیغنی بیان و بولایده پروتستانلرله ارمنیلر

بیننده کی منافرتدن و مذکور مرخصه نك بولندي
كيسانك نروتندن بختله بوراده كي ارمني كليسالري
هيئتندن توصيه به لزوم كوسترمسي استعمال
اولنان خسته خانه تعيرينك بر مسئله فساديه به
دالات ايتك اوزره زوجين بيننده اتخاذايدلمش
باروله قيلندن بر تعير مخصوص اولديغني اظهار
ايتكمده وخسته خانه انشاسي واولبايده اعانه جمعي
خصوصده حكومت سنهيه معلومات اعطا
ورخصت استحصال اولوب اولمامسي قضيه سنك
تجربيي اشبو مخبراتده كي خسته خانه لفظك مقصد
حقيقي ايله استعمال اولوب اولنديغني تدقيق
وتحقيق ايجون اولوب چونكه جماعات غير مسلمه
نك خسته خانه مثللو مؤسسات خيريه اتخاذه
ماذونينلري اوپولده اتخاذايده كلكلري اما كن
وابنيه خيريه نك تاسيسي ايجون على الاصول رخصت
مخصوصه استحصالندن معاف براتمش اولمديغنه
ومزبوره طرفندن وارد اولان يوزيرا ايله حادثاً
برخسته خانه اتخاذاوتاسيس اولنديغني بيان اولتمده
اولديغنه نظراتصورلرينك اجراسته بدأ ايتمش ديمك
اولدقلى وشو حالده تصمييات واقعه لرندن حكومت
سنهيه عرض معلومات اينمك لازمكديكي حالده
ايدلماسي وعلى الخصوص زوجيه سنك اسويچره لي
اولديغني وچو جقاريله اقرباسنك اسويچره ده

بولنديغني مذكور مکتوب محتوياتندن و مرقوم
طومەيانك افادات واقعه سنندن اكلا شلقده اوله رق
بوصورتله مرزيفونده بر خسته خانه تاسيسي
تصور اغورنده زوجيه سني كندوسنندن وچولق
چو جغيله اقرباسنندن مهجور ايدرك كندى مملكتي
اولميان ديار اجنييه ده خواب وراحتي ترك ايله
طولاشدير مقدرجه سننده اختيار فداكارى والتزام
اولمش ايكن مرقوم طومەيان قره نيك اهالي
مخليه يه اولبايده بر كونه معلومات اعطاسنده
واستعانه ده بولمامسي زوجيه سيله تصور ايلدكلى
كيفيتك بر امر خفي اولديغني تا كيدايدين احوالندن
بولنسنه وزوجه سنك اوروپاي اولمى دولت عليه
عثمانيه عليهنده خلاف حقيقت ايراد مناطقي
ومقالاته بولنغني استتزام ايدميه جيكي دركار
اولمغله برابر مزبوره نك مرزيفونده بر قاچ سنه
اقامت ايتمش اولمسنه نظراً زوجنه نسبتله تابعيتي
احراز ايتمش اولديغني دولت عليه عثمانيه نك
معدات وبالجملة تبعه شاهانه نك كافه ممالك متمدنه
جغيطه بخشا اولديغني قابل سرد وانكار اولميه جق
ظاهر ومعلوم اولان رفاه وراحتلريني عين اليقين
مشاهده ايله اساساً حكومت سنهيه عليهنده من غير
وقوف بر كونا حسيات ممالك طاقندن ايديسه
زوجينك اشتراك ايتمسي طبيعي اولان فكر وقوفنه

وكندوسنك مشاهدات يقينه سننه نظراً دولت
عليه نك شكر گذار و ثنا خواني اولمقندن بشقه
كندوسنندن برشي بگنمك امكاني قالمامش اولمى لازم
كلاه جيكي وبوجه تله طومەيانك كندى قولنجه ميدانده
برشي يوغيكن دولت عليه عليهنده نطق ومقاله ايرادنندن
اجتناب ايتلسي يولنده مزبوره يه اخطارات
واشعاراتده بولنمسي پك مناسبست مزبوره يه ايله جني بديهي
بولنمسي اوپولده اخطارات و اشعاراتده بولنديغني
حققنده كي اقرار و بيانى اساساً مزبوره يه كندو
سنك مدعا به اولان افعال ومقاصد باطله خصوصنده كي
افكار مخصوصه سنهيه تشريك ايله حكومت سنهيه
عليهنده بولنغني التزام و اوتة كنى بريكنى افكار
فاسده لرني ترويجه تشويق و ابرام ايتك زعم
فاسدينه سلوك ايتديروبده او وادينه اوتة ده
بروده ايراد ايتكمده اولديغنه كندو سنجه هيج شبهه سي
اولميان مناطق و مقالات مضره نك مسئوليتندن
نفسني تربيه ايتك امليله ثم التدارك درميان اولمش
بر مدافعه اولديغني كوسترمكه اولمسنه ودلائل
عديه ايله متيقن ومظاهر اولان مرقومان طومەيان
وقايان او خانسك اشبو افعال واحواللرينه قارشو
درميان اولنان مطالعات سائر ايسه احتمالات
مجرده دن عبارت قالمقده اولمسنه و ارزومان
او خانس دخی بوندن برسنه اول بچاقجي كيركور

واسطه سيله شركت فساديه يه داخل اوله رق دخوليه
وماهيه نامارييله ويرديكي مبالغى جواهر جيان روپنه
ويرمك اوزره قره پارسيخ اوغلي دانيله ويرمش اولديغني
وجواهر جيان روپن ايله دو كه جيان پارسيخ كندوسى
مرزيفونه كيتك و برابرنده مرزيفونه كوتورمك
اوزره بر مکتوب ويول مصرفي ويره رك وقوع
بولان تنبيلري اوزرينه كچن سنه ايلول ابتدا لرنده
قيصريه دن حر كته مرزيفونه كيدوب ويردكلى
مكتوبى اوراده دكاجيلىق اينن پاپاسيان مغربيجه
ويرمش و مرقومك كندوسنى خانه سنهيه كتوره رك
اخشامندن صكره بر بيوك قوناغه ايصال ايتمش
واوقوناغك كيك اولديغني بيله ميورسه ده اورايه
ايتديكندن مرزيفونلى طومەيان افندي ايله شيرتي
بيله مديكي انطراك ويوزغاددن كيچه جيان ميساق
وستقورلیدن شهرت لرني بيله مديكي قره بت
واماسيه دن مهران وچورمندن ديكر مهران ايله
توقاددن وسيواسدن برر آدم موجود اوله رق
حامل اولدقلى كاغدر تدقيق اولمقندن
صوكره انكليزجه وارمنجه قونشمغه باشلامش
وبومكمله اويچ كون امتداد ايله نهايته كندوسنه
بركاغدا اعطا ايديله رك مذكور كاغدى قيصريه ده كي
آدمليكه كزه كتور ديه تنبيه ايتمش اولدقلى
وبونك مندرجاتي ايسه كندوسى كي اقتدار سرز
ولسان بيليان بر كيسه نك كوندرلمسند نطولاي

توبیخی متضمن اولدیغی قیصریه ده کلنجه اوکریش
اولدیغی وکندوسندن شفاهاً یالکز قیصریه ده
شرکت فسادیه افرادینک قاچ کشی اولدیغی
سؤال ایتیش اولدقلرینی و قیصریه ده عودت ایدرکن
یوزغاددن کلش اولان کچه جیان میساق و سفقور
لیدن کلش اولان قره بت ایله چورمه قدر برابر
کلدیکنی و مجلس مذکورده ریاست وظیفه سی
طومەیانک و کتابت اموری انظرانیکیک امضا
ایتمسینه قرار ویرلش اولدیغی و اوچ کون اوچ
کیچه او قوناقدن هیچ بریره چیقماش اولدقلرینی
وهرکسه قاریشق قاریشق برر اسم تسمیه ایتدکلی
کی کندوسنه دخی «راند» تسمیه ایتدکلی
و هدیانامه لری جی دلکیان اغوب ایله دوکجه جیان
پارسیخدن الهرق مرقومانک تنیه لری وجهله
شاید برکورنلر اولور ایسه تهدید ایتک اوزره
مسلح اولدقلری حالده قره پارسینغ اوغلی دانیل
ایله برابر قیصریه ده یاپشیدریش اولدیغی و اندون
رشتونی دوکجه جیان پارسینغ و جی دلکیان اغوب
و جواهر جیان روپنک امریله اونان اوغلی مماس
ایله برابر مسلح اولدقلری حالده بلاکسه دن آلوب
تلاسه کتوروب اوراده دعوی وکیلی ارسینک
خانه سینه ویردکلی معلومات اوزرینه سیوخ
اوغلی آرسین کلرک شوارشک خانه سینه کتورمش

جوارنده کی باغ خانه لردن طبخانه سنده مختفی
بولندیغی خانه یه صو ارامق اوزره کلش اولان
قیصریه لی چاوش اوغلی مصطفی و رفقاسنی
کندوسنی دردست اینه ماملری ضمنده روولورینی
آتش ایتکله برابر فراره مسارعت ایلسی و مرقو
مونکده تعقیب ایلری اوزرینه روولور انداختمه
دوام ایدرک اوچچی دفعه آتدیغی قورشون ایله مرقوم
مصطفای صاغ قولاغندن جرح و قتل ایش اولدیغی
قیصریه لی حاجی اوغلی مصطفانک مشاهده
و متوفای مرقومک انشته سی سید محمدک اوپوله
کی معلوماتیله مؤکداً واقع اولان شهادت
و افاده سته و ضبطیه حاجی ابراهیم
و اسماعیل و علی و خلیل اغارک علی الدرجات
و قوعبولان اخبارات واحد ملازم اوغلی شعبانک
افاده مضبوطه سی محتویاتنه و مرقوم اوخانسیک
متوفای مرقومی جرح و قتلده استعمال ایلدیکی
سلاح ایدوکنی مرقوم مصطفی و سید محمدک خبر و یروب
کندوسنک اولدیغی مرقومک دخی اعتراف و تصدیق
ایلدیکی بیاض قبضه لی روولورک اوچ قوواننده
قورشون مملو اولدیغی و دیکر اوچ قوواننده
فشنگارک آتیش بولندیغی حالده مرقومک
اوزرنده ظهور ایتیش اولدیغی مارالاسای ضبطیه ل
طرفندن خبر ویرلسنه و مخبرون مرقومونک

مرقوم اوخانسیک حین وقعه ده دردست اولندیغنده
لابس اولدیغی خبر ویردکلی البسه نک نوع و
رنکی حقنده کی اخباراتک یکدیگرینه و مرقومک
لابس اولدیغی البسه سنی نوع ورنکی حقنده کی
افاده و اقرارینه توافق ایتسینه و بوبایدکی کشفنامه
ایله طیب راپوری محتویاتک اخبارات مذکوره
دائرهنده اولسنه و مرقومک مرزیفونه قیصریه
دن مبعوثاً کیتیش اولدیغی استنطاقاً و محاکمه
اقرار و اعترافی تحتنه بولندیغی کی جمعیت
فسادیه ده صورت وقوعی بیان و اقرار ایتکده
اولدیغی مجاوبه کیقتی نه مقصدله مرزیفونده
اجتماع ایدلکیکنه و یاقته لری تعلیق ایلدیکی ائشاده
کورن و نماعت ایدن اولور ایسه مقاومت ایتک
اوزره مسلح بولنسی هدیانامه لری نه ایدوکنه و قوف
و معلوماتی تعیین و اثباته کافی احوال بولندیغی
کی چاوش اوغلی مصطفانک قتل خصوصنه
شهادت ایدن حاجی اوغلی مصطفانک مقتول
مرقومه درجه قرابتی قانوناً شهادتنک قبولنه
مانع درجه ده اولدیغی مثلو شهود مرقومنک
افادات و اخباراتی بئسنده ده بر کونا مبیانت
کوریه مامش اولسنه و کرونی زاروپیان
طروس دخی ذخیره فروختی ایچون مقدمه مرزیفونه
کیتدیکنده طومەیان قره بتک برادری ارتین

طرفندن كمره كده ژبراره ویرلك اوزره بر طوره
 كاغد ايله برلیرا آلدیغنی واولو جهله مذکور
 طوره بی کتوروب كمره كده ژبراره دنیلان شخصه
 ویردیكنی و طومه یان آرتین ايله مرز یفونده كورشد-
 یكنده ارمنستانك استقلالیتی حقنده بر شرکت
 اولدیغنی و كندوسیده او شرکته اجرا ماموری
 تعیین و شرکت نامه اولان اوراق و سائر بی
 كندو واسطه سیله ارسال ایلله جكلیغی و صورت
 مأموریتله ایجابنده كندوسینه معاونت اجرایی
 متضمن اوله رق شرکت مهریله مهور ویردیگی
 شهادتنامه یی اخذ ایلدیكنی و ویریلان اوراقی ژبراره
 تسلیم و ایصال ایتدكدن صوكره تهلكه لی بر
 خدمت اولمسنندناشی بعدما كندی امور یله
 مشغول اولدیغنی و شوراده بوراده اوراق مضره
 تحری اولندیغنی صررده مذکور شهادتنامه یی
 قورقوسندن یرتدیغنی و اجرا مأموری تعیین
 اولندیغنده یدینه ویریلان تعلیماتی یا كلشلقه ژبراره
 ویرمش ایدوكنی و مرقوم طومه یان آرتین ايله
 مرز یفونده كوریشوب شرکته اجرا مامورلغنه
 تعیین اولندیغنی زمان مرقوم آرتین كندوسینه
 سنك وظیفهك یا قنوحات و یا اولومدر بوندن
 صكره مقتدر اولدقچه دولتك پوسته سنی
 اوره رق شرکته بر منفعتده بولمقلقك لازمدر

دیسنه منی اورادن چیقارق قیصریه جوارنده
 سورب قره بت مناسرتزنده تلاسلی اشچی پارسینخ
 اوغلی كلبنكی بولدیغنی و مرقومه كندی فكرنده کی
 پوسته اورمق تصویرنی تكلیف ایلجسیله اودخی
 فكرینه اشتراك ايله برلكده اورادن حرکت
 و طوغری معدن پوسته سی یولنه مواصلت
 ایدوب معدنه اوج ساعت مسافده پوسته نك
 یوزغاده كیدر اولدیغنی كورملریله محافظه سنده
 بولنان ضبطیه ايله سورجینك بردن اوزر لرینه
 هجومه تسلیم اولملری و اوزرینه یولدن چیقاره رق
 ایکسینی دخی اوردق لرینی و پوسته ده بولنان یوز
 یتمش قدر مجیدیه و لیرایی غصب ايله اوتوز
 لیرانی كلبنكه و یروب قصورینی كندوسی آلدیغنی

مابعدی وار